

Parare Domino Plebem Perfectam

A lokisetse Morena Sechaba se phethehileng (Luka 1,17)

# Moeletsi oa Basotho

www.moeletsoabasotho.co.ls

'Makhoroana e ipabola ka boitjaro 6



Tikoloho e apareloa ke bosholu 8




Secker ke mokoetlisi e mocha 11

# BANKA E FANA KA M30,000.00



www.moeletsoabasotho.co.ls

Moeletsi oa Basotho



Re se re fumaneha ho marangrang

Email: newsroom@moeletsoabasotho.co.ls  
Tel: +266 28350466/ Whats app: 62600983

# MOELETSI

## Molemo molemong



FOR IMMEDIATE RELEASE

LSMTA

### The Annual Lesotho Robotics Expo Showcases Innovation and Collaboration at Thaba-Bosiu Cultural Village.

Girls Coding Academy, in collaboration with the Lesotho Science and Maths Teachers Association, is excited to announce the first annual Lesotho Robotics Expo, scheduled to take place on March 23, 2024, at Thaba Bosiu Cultural Village.

This groundbreaking event aims to celebrate the ingenuity and creativity of Basotho youth in the field of robotics and STEM (Science, Technology, Engineering, and Mathematics). The expo is a testament to our commitment to fostering innovation and providing a platform for young minds to showcase their talents.

#### Event Details:

- . **Date:** March 23, 2024
- . **Time:** 08:00 am – 3:00 pm
- . **Venue:** Thaba Bosiu Cultural Village
- . **Free Entrance:** We are delighted to offer free entrance to all attendees, encouraging families, students, and educators to join us for a day filled with excitement and learning.

#### Highlights of the First Lego League Expo:

- **Robotics Competitions:**  
Teams of young innovators will engage in thrilling robotics competitions, showcasing their technical skills and problem-solving abilities.
- **STEM Exhibits:**  
Explore interactive STEM exhibits that demonstrate the wonders of science, technology, engineering, and mathematics.
- **Educational Workshops:**  
Engage in hands-on workshops designed to inspire curiosity and ignite a passion for STEM among participants.

#### Partnership with Lesotho Science and Math Teachers Association:

We are proud to collaborate with the Lesotho Science and Math Teachers Association to bring this event to life. Together, we aim to empower the next generation of Basotho leaders in STEM fields.

#### Join Us:

Don't miss this unique opportunity to be part of the first Annual Lesotho Robotics Expo. Bring your family, friends, and students to Thaba Bosiu Cultural Village on March 23, 2024, and witness the brilliance of Basotho youth in robotics and STEM.

For media inquiries, please contact +266 5907 6594/ +266 6229 6071  
Girls Coding Academy  
Kingsway Road Maseru  
Metcash Complex Room 133  
+266 5907 6594/+266 6229 6071  
[info@girlscodingacademy.co.ls](mailto:info@girlscodingacademy.co.ls)  
[www.girlscodingacademy.co.ls](http://www.girlscodingacademy.co.ls)



Banka ea Standard Lesotho ke e 'ngoe ea tse tummeng ebileng e na le baji ba bangata ho feta ba libanka tse ling, e thakhotse litšebeletso tsa kalimo ea lichelete. Morero ke ho matlafatsa bophelo ba basebelisi ba eona 'moho le bohle. Hangata motho ha alima chelete e ka ba bankeng kapa litsing tse ngolisitsoeng ka molao ho fana ka litšebeletso tsa lichelete, oa be a rerile ho nchafatsa bokamoso ba hae. Kapa ka nako e 'ngoe ho na le lebaka la tšohanyetso leo a batlang ho le phetha, 'me a hloka chelete kapele. Banka ena e hlahella hona nakong ea tlakotsi ho thusa moji oa eona ho imoloha mathateng ana, e hlalosa hore ha e etse tsena tsohle ntle le ho shebisana le mosebelisi. Ntla ea bohlokoa ke hore na o hloka mokitlane oa bokae, o tla lefa bokae a salloe ke bokae moputsong oa hae oa khoeli le khoeli.

Ho na le Basotho ba babeli ba unneng molemo hona bankeng ena, 'me ba ile ba tlotloa ka chelete e balloang ho likete ho ba leboha ha ba atlehile ho lefa mekitlane ea bona ntle le ho lelekisoa. Ba entse ntho e kholo e bontšang boikitlaetso le ho tšepahala, e leng lintho tse sa fumaneheng bathong mehleng ena haholo tabeng ea chelete. Motho ha ile a thusoa, a atleha ho fetisa morero oa hae eba o se a qoela a sebelisa leano la hore 'molemo o ja mong'a ona' a sa hlokomela hore ka ketso eo o koalla ba bang monyetla. Kapa eena hobane bophelo bo matsoelintsoeke a ka iphumana a hloka thuso e tšoanang hape. Re leboha Basotho bana ba ileng ba hopola hore tsa hosane ha li tsejoe hape ha ba ka ba inahana bo-bona.

Ka lehlakoreng le leng ke tlhokomeliso ho sechaba hore nako ea Hlabula e ntse e fela, Mariha a se ntse a kokota. Batho ba bangata ba tšoaroa ke sefuba hona ha linako li fetoha tjena, ka hona ho bohlokoa hore le ithokomele hobane joalokaha Letona la Lichelete le Ntšetsopele ea Sechaba le ile la bolela nakong eo le neng le fana ka likhakanyo tsa lichelete tsa selemo sa 2023/4, hore Lekaleng la Bophelo ho na le morero oa hore ho thibeloe mafu ho na le hore a alafshoe e le ho imolla Litsi tsa Bophelo. Ka hoo bohle qalang hona joale ho e-s'o bate ho tla ka maoa le maqheka a tla le thusa ho thibela sefuba, e ntse e le ho qoba litšenyehelo tsa ho reka meriana.

Nako ea Mariha e litšenyehelo haholo hobane motho o lokela ho ithokomela ho tloha ka lijo, ebe liaparo le mofuthu ka tlung. Motho e mong ea bohlale o ne a re: "Mariha ha apareloe, a jelloa." Seo a se bolelang ke hore ha u ka ja lijo tse fanang ka mofuthu, ha u na ho hloka ho aparapara liaparo tse ngata nakong ea Mariha. Taba ena ke 'nete hobane sefuba se tšoara motho ka lebaka la phetoho ea mofuthu oa 'mele, serame se sengata se hleka-hlekana le 'mele ebe qetellong sesole sa 'mele se sitoa ho loantša kokoana-hloko e bakang sefuba. Ka hona ho molemo hore motho a je lijo tse fanang ka mofuthu le lithibela-mafu e le ho matlafatsa sesole sa hae sa 'mele ho loantša kokoana-hloko ena.

Ha re baleheng ho noa litlhare hobane ke lithetefatsi tseo 'mele ha o li tloaetse, eba sesole sa 'mele se se sitoa ho loantša lefu lefe kapa lefe ntle le thuso ea tsona. Motho o sa fetoha lekhoba la litlhare joaloka motho ea seng a leng maemong a hore h'a ka tlohela ho noa joala o ikela ho o batang. Ha ho bonolo ho etsa lintho tse ling bophelong empa le teng ho sheba bothebelele ba nakoana litlamorao e le tse bosula, ke booatla. Tsela e lokisetsang bokamoso ha e bonolo ebile ha ho mohla e tla ba bonolo le ka mohla.

Contacts: +266 28350 466 / 6260 0983 (Whats app)  
Email: [moeletsoabasotho@gmail.com](mailto:moeletsoabasotho@gmail.com)



#### Editorial

Lesoetsa Rakubutu (Editor)  
(+266) 58490670 / 62031949  
[editor@moeletsoabasotho.co.ls](mailto:editor@moeletsoabasotho.co.ls)

Lehlohonolo Mohale (Sub-editor)  
(+266) 58 771 507 / 62 771 507  
[subeditor@moeletsoabasotho.co.ls](mailto:subeditor@moeletsoabasotho.co.ls)

#### Newsroom

Nthabeleng Seitlheko 57 665 038/ 68 216 721  
[nthabeleng.seitlheko@moeletsoabasotho.co.ls](mailto:nthabeleng.seitlheko@moeletsoabasotho.co.ls)

Tšeliso Thakholi (Sports) 58 540 853/ 63 480 404  
[tseliso.thakhuli@moeletsoabasotho.co.ls](mailto:tseliso.thakhuli@moeletsoabasotho.co.ls)

[newsroom@moeletsoabasotho.co.ls](mailto:newsroom@moeletsoabasotho.co.ls)

#### Advertising

Thabo Lesaona  
(+266) 28 350 466/ [sales@moeletsoabasotho.co.ls](mailto:sales@moeletsoabasotho.co.ls)

#### Production Desk

'Matee Liqa , Sr. Canicia Nthunya

# Banka e fana ka M30,000.00



## Tšelisothakholi

**B**anka ea Standard Lesotho e thakhotse litšebeliso tsa likalimo tsa lichelete ho baji ba eona, ka sepheo sa ho ntlafatsa bophelo ba sechaba sa Basotho. Khakolo ena e bile hoteleng ea Lancers Inn, Maseru ka la 5 Tihakubele 2024.

Hlooho ea Lefapha la Likalimo le Limmaraka, Monghali Teboho Sello o boleletse baphatlalatsi ba litaba le baji ba litšebeliso tsa Banka ea Standard Lesotho, ba bileng teng khakolong ena hore tlhahiso ea bona ea boleng ke sesupo sa boitlamo ba bona ba

bosebeletsi bo tsoileng matsoho, bo reretsoeng ho thusa baji ba bona maemong ohle a bona a fapakaneng a bophelo.

A re joaloka ha e le bona ba etelletseng pele limmaraka kahare ho naha, phephetso ea bona e kholo e ntseng e tsoelapele, ke lula ka mehla e le bona bo pula-maliboho linthong tsohle tse ncha tse e ke tsang boleng ba litšebeliso tsa bona le ho fetola bophelo ba baji ba bona. “Ke tlameha ho tiisa ‘nete ea hore e hlile hare phomole. Re lula re ntlafatsa le ho nahana ka botebo litsela tseo ka tsona re ka etsatsang baji ba rona le sechaba ka kakaretso lintho tsa boleng

tse ka ba thusang ho ikahe-la bokamoso bo botle le ho ntlafatsa bophelo ba bona.” A rialo.

A supa hore boiphihlelo ba bareki litšebeliso tsa boleng tseo ba fanang ka tsona, ke eona khubu ea chebelopele ea Banka ea Standard Lesotho, ‘me ka mehla baji ba bona ke batho ba pele ba bohlokoa ho tsohle tseo ba li etsang. “Re rarolla le ho nolofatsa mathata a baji ba rona a lichelete, e le ho ba bobefalatsa le hore ho bo be bonolo ho fihlela litoro tsa bona tsa bophelo bo botle.” O boletse joalo.

A re bona ho fapana le libanka tse ling le bahoebi ba kalimisanang ka lichelete,

ba fana ka tataiso ea likalimo pele baji ba bona baka etsa qeto ea ho kalima, ‘me hara tseo ba li shebang ke hore na motho ea kalimang o lokela ho nka mokoloto oa bo kae o tla lekana mahetla

a hae, e le hore a tle a ‘ne a phethe mabaka a lelapha ha a ntse a lefa mokitlane oa hae.

A khotlaetsa baji ba bona ho se etse mekoloto ea bona pinyane, empa ha ba e nkile ba tsebise ba malapa a bona, e le hore ha lefu le ka ba khotlaetsa ka tšohanyetso banka e tle e fane ka matšelisotho, e tsoe haba kalima banka e kentse tšireletso e joalo.

Ba bang ba ba nang le likalimo Bankeng ea Standard Lesotho, Monghali Neo Macheli le Mofumahali ‘Maalina Lesaoana ba thoholelitse Banka ea Standard Lesotho ka ho fana ka litšebeliso tse makhetha tsa boleng bophahameng. Ba re litšebeliso tseena li fetotse bophelo ba bona kaha ba atlehile ho fihlela matlo a litoro tsa bona. Ba ipiletsa ho baji ba litšebeliso ho tšepahalla boitlamo ba bona ba ho lefa mekitlane kaha sena se tla batsoela molemo o moholo. Ka lebaka la ho tšepahalla ho lefa hantle mekitlane ea bona Macheli le Lesaoana ba ile ba una molemo oa ho fuoa mpho ea chelete e kalo ka M20,000.00 le M10,000.00 ka tatellano motho ka mong.



# Kibane o qenehela BAP

## Tšelisothakholi

**S**etho sa Mokha oa Liketso le Bophethahatsi (BAP), ebile e le moetapele besebeletsing ba mokha oo, Monghali Tello Kibane o nehelane ka lengolo la boitokollo Komiting e Kholo e le Molula-Setulo, ka lebaka la tlhokahalo ea khotso le botsitso tse baki-loeng ke likhohlano tse teng lipakeng tsa Letona la Matla ebile e le Moetapele oa BAP, Prof. Nqosa Mahao le Mongoli e Moholo oa Lekala leo Monghali Tankiso Pha-

pano.

Lengolong leo a nehelaneng ka lona ka la 5 Tihakubele monongoaha, Kibane h’a teka mabaka a hae, o bontšitse hore kamor’a ho mamela sesosa sa khohlano ea mahlakore ka bobeli le ho fumana maikutlo a batho ba bang ba sebelitseng taba ena pele ho bona, e le litho tsa Komiti ea Tšebetso (CWC), o hlokometse lintho tse latelang ho moetapele oa hae; ho hloka khotso ho litho tsa Komiti ea Tšebetso, ho etseletsa litho tsa Komiti ea Tšebetso ka hore li ngoletse Tona-Kholo hore a mo tlöse Lekaleng la Matla, le hore hella litho tsa Komiti ea Tšebetso hore

li filoe chelete hore li ngole lengolo.

O re taba ena ea likhohlano tsa Moetapele le Mongoli e Moholo, o bona e fetotse sebopeliso. A supa hore o bona e se e jelella le batho ba neng ba kena lipakeng ho etsa namo, ‘me kutloisiso ea hae ke hore ha motho a filoe boikarabello ba ho sebetsa taba, ke boikarabello ba hae ho atamela mahlakore ohle a amehang hore a tsebe ho fumana metso kapa botebo ba taba.

A re kutloisiso ea hae hape ke hore motho a ke ke a sebetsa taba e amang mahlakore a mabeli a ntse a sebetsa le lehlakore le leng. A re ke ka lona lebaka lena

ba neng ba sebetsa taba ena, ba behile moetapele ka thoko hobane ke taba e mo amang, ebile ba ronngoe ke eena ho e sebetsa.

A kopa tšoarelo ho litho tsohle tsa mokha oa habo, haholo ba ntseng ba khotsoaletse tšebetso ea hae. A re o etsa boitokollo bona ka pelo e tletseng qenehelo e kholo, ‘me a boela a kopa hore ketso ena eo a e entseng empe e tisetse mokha ona oa habo khotso. H’a qetella lengolo lena la hae a ipiletsa ho litho tsa habo ho emisa ho bua lipuo tse ke keng tsa thabisa ba bang kante le kahare ho mokha. A khotlaetsa litho ho sebetsa kutloano le poelano ka hare ho Mokha. A lakaletsa Moetapele oa BAP le

litho tsohle tsa mokha bophelo bo monate le khotso.

Puisanong le Raliphatlalatsi oa BAP, Monghali Lepolesa Makutoane o tiisitse hore lengolo le joalo ba le fumane, ‘me ke hona ba tla lula fatše ho ka shebisana ka lona. A re boitokollo ba Monghali Kibane bo tlii’o tliša sekheo se seholo, moko-hoeng oa tšebetso oa komiti le ho khina litšebeliso tsohle tsa komiti. Ka hona takatso ea hae ke hore ba tla bua le eena ho tsoelapele ka mosebetsi oa hae. A tiisa hore boitokollo bona bo tlišitsoe ke litholoana tse seng monate tsa likhula-khulano tsa Moetapele le Mongoli e Moholo oa Lekala la Matla.

# Talenta e phelisang



seng e seng kamehla.

## Tlhokomelo

E re kaha re se re e ruhela ho e rekisa, re loantša hore e se ke ea e-ba le lefura le lengata, nama ea teng ebe e monate e tla khahla baji. Re e tšela li-traying ka makhetho joaloka boroso. Ha joale re sa qalile ho e rekisa Maseru mona, ho a mang a mabenkele a maholo. Taba ea bohlokoa ke makhetho 'me ha re e ruele fatše re e ruoa joaloka likhoho tsa nama le tsa mahe e le hore mosese le mantle a tsona re se re li sebelisa bakeng sa ho etsa manyolo.

## Khothaletso

Bacha ba heso mamati a butsoe, tlohong re t'l'o le fa letsoho kahare ka leruo la meutloanyane kaha le etsa chelete e ngata ka mokhoa o makatsang. Ka mofuta ona oa khoebo le ka tseba ho phela. Rona re butse mamati kaha re batla tsebo ena re se ke ra tsamaea ka eona ha re se re tsofetse, e sale le lona le iphelisa ka eona. Bacha tlohong!

## Tšeliso Thakholi

ilemong tsena tseo bacha ba bonahalang ba aparetsoe ke tla-la, tlhobolo le leqeme le phahameng haholo la tlhokahalo ea mesebetsi, leruo la meutloanyane ke tsela eo ba ka atlehang ho iphelisa ka eona. Monghali Motlou Majoro oa Kolonyama, Ha Moramang o netefatsa taba ena ka tšebetso ea hae ea leruo la meutloanyane ea seng a fetotse bophelo ba bacha ba fetang 10, bao a sebetsang le bona le bao a ba rupelang. O li beha tjena:

### Qalo ea leruo la meutloanyane

Ke qalile ka selemo sa 2021, sepheo e ne e le ho fumana mekhoha ea ho ja. Haele hantle motho o ile oa ithuta ka seoa sa COVID-19 hore motho a ka shoa a ntse a e-na le chelete, e ile ea re ruta mekhoha e mengata ea ho itlhalisetsa lijo tseo motho a ka li jang kaha ka nako eo chelete e ne e se na thuso. Ke ha ke tla ba le morero oa hore nke ke qale khoebo, feela e sa tsoaneng le tsena tse ling e bileng e sa tloaelehang, ka bona ho le molemo hore ke hetle morao, ke khutlele liphoofoelong le masimong. Ka boela ka ithuta hore khoebo ea mofuta ona, ke

ea pele ha e eo kahare ho naha. Ka qala ka e theha ke sebetsa le bacha, bao e leng litho tsa lelapa ha ba bang e le bacha bao ke ba fumantšitseng mosebetsi. Ka e theha ka tsela eo ke ileng ka etsa hore ha ke se ke tsofetse e tle e se ke ea putlama, e hle e sebetse e le polasi ea meutloanyane, likhantši, makau le likhoho tsa Sesotho. Polasi ena e bitsoa Boiketlo Farms.

### COVID-19

Hantle-ntle seoa sena se re rutille hore re hloka ho itlhalisetsa lijo ka mofuta eohle ea tsona, haholo-holo mofuta ea nama e kang ea meutloanyane, eleng e sieo mabenkeleng a kahar'a naha empa e fuparetseng sechaba sa Basotho bophelo bo botle. Nama e kang ea makau, likhantši le likhoho tsa Sesotho e na le matsoai a bohlokoa a hlokoang ke 'mele. COVID-19 e ile ea nthusa ho bona hore bophelo ha se chelete feela, ho ba motho a ka shoa a ntse a e-na le eona. Ke nako joale ea hore bacha ba itahlele ka setotsoana leruong la meutloanyane, ba tsebe ho iphelisa le ka linako tse thata tsa mafu ana a makatsang.

### Phepo

Meutloanyane e fepeha ha bonolo kaha ke phoofole e iphelelang naheng. Ha e hloke lijo tse mohlolo joaloka kaha ba bang ba nahana. Re hlola phepo ea eona ka

ho lema masimong poone e khubelu, koro le rapa ena e putsoa ea likhomo. Ho feta mona re reka lijo tsena

tsa eona, tse fumanoang mabenkeleng le teng ha se ka boima bo boholo ho ba re e hashaletsa ka linako tse it-

**MONDAY 01 APRIL 2024**

**TIME: 9:00-1600**

## NATIONAL HEALTH SYMPOSIUM

'A Stitch in time saves nine'

**TARGET AUDIENCE : 2000 PERSONS**

**Refreshments to be served**



**Dr. Thabang D. Seotsanyana**  
Naturopathic Practitioner



**Dr. Rakhoboso 'Mats'episo**  
Naturopathic Practitioner

**TICKET - M250 | 10 Seater table M2000**  
**VIP TICKET - M550 | 10 VIP table M5000**



6272 8732



5791 5410



FNB/RMB  
A/C NAME : MED-IQ  
Nutraceuticals  
Account Type : Saving Pocket  
Account Number : 63064771885  
Branch Code : 280061

**VENUE : LESOTHO HIGH SCHOOL HALL**

**TOPICS**

- > CANCER > MALE & FEMALE SEXUAL DYSFUNCTIONS
- > DIABETES MELLITUS > CARDIOVASCULAR DISEASES
- > MENTAL HEALTH : DEPRESSION
- > SUBSTANCE ABUSE/DRUG ADDICTION

**QUESTIONS, COMMENTS & ANSWERS' SESSION**

**ACTIVITIES : EXHIBITIONS**

- a) POULTICES & COMPRESSES
- b) LESOTHO INDIGENOUS BOTANY/HERBS

**SPONSORS**

YOUR COMPANY  
LOGO HERE









# FASHION

## SHOW



ELEGANCE  
FABRIC THAT SPEAKS

TIME  
**6PM**  
TILL LATE



GENERAL  
TICKET  
**M70**

FOOD &  
DRINKS  
**M200**

**RUNWAY TO  
BREAK THE RULES**

SATURDAY  
**MARCH 23 | 2024**

**VENUE:** MANTHABISENG CONVENTION CENTRE

MC's



Tebello



Teba

PERFORMANCE BY



Sotho Kids



Omali Themba



'Malichelete



Chief Fasa



Mochana



Master Dj

FOR MORE INFO CONTACT (+266) 5852 4642/ 6393 9207



# 'Makhoroana e ipabola ka boitjaro

## Nthabeleng Seitlheko

**M**okha oa Liketso le Bophethahatsi (BAP), o ile oa tsoara lipontšuo tsa lihoai Lebatooeng la 'Makhoroana, Mapoteng, tlasa lenaneo la boitjaro le reretsoeng ho ntlafatsa lihoai kahar'a naha. Litaba tsena li hlahile puisanong le Mookameli oa boitjaro, Mojela Lieta, ka la 4 Tlhakubele monongoaha.

O re sepheo sa lipontšuo tsena ke ho kopanya bahlahisi le bahoebi e le mokhoa oa ho atameletsa bahlahisi 'maraka. A bontša ha ba rata hore qetello ba be le lipuisano le ba ratang ho kena khoebong ena ea boitjaro.

Ha hlalosa Boitjaro o bontšitse ha Moetapele oa bona Prof. Nqosa Mahao a ile a ba le pono ea hore Naha ea Lesotho e na le bokhoni ba ho itjara ka lihlo-liloeng tsa eona, ke h'a tla qala leano lena ka selemo sa 2019.

Are ka selemo sa 2022, ke

ho kena temong ka matla. A supa ha eena a se a sebelitse hantle, hape ka ho khothalelitsa sechaba sa habo ho kena ka matla te-

tooa a mang. A supa hore seo se bontša hantle hore Basotho ba ka phela ka lihlahisoa tsa bona.

O bontšitse ha litho tsa

hore eena ele mohoebi o rata ho fetola bophelo ba batho. A re ho fetola bophelo ba motho ha se ntho e thata ha feela u ithutile se

bona, 'me taba eo ha e ba thabise.

Prof. Nqosa Mahao o itse morero oa boitjaro o qalile ha habo, empa Serobanyane o se a hatetse pele haholo ka ona hoo Ntlo-Khola ea Boitjaro eseng e le lebatooeng la 'Makhoroana.

A bontša ma-BAP hore linaheng tse moruo o motle, lifeme tsa bona li qalile ka batho ba ileng ba iketsetsa lihlahisoa ka bomong malapeng a bona. A re chelete ea lichaba tseo e potoloha kahare ho naha e joalo.

A re ha babusi ba ka sebelisa leano lena Naha ea Lesotho e ka hola moruong. A qetella ka hore e le BAP e ikemiselitse ho thusa Basotho e le 'musong kapa chee. Ke hona mona moo lihoai li bileng le monyetla oa ho pepesa le ho rekisa lihlahisoa tsa tsona ka bongata ho baeti ba bileng teng moketeng ona.



mong, kaha le mesebetsi e fokola ha motho a batla ho hiroa. A bontša ha ba se ba na le bacha ba keneng temong 'me hoo ho theotse litlolo tsa molao.

Monghali K'habonea Khumalo e le Molula-Setulo oa Lebatooa la 'Makhoroana, o babalitse Serobanyane ka ho ba le bona le kamor'a likhetho. A re ha se bakhothaletsua ba bangata

habo li rekisitse likhoho tse 65 000 ka nako ea likhoe-li tse 'ne feela ka lenaneo lena la boitjaro.

A bontša h'a rata ha batho ba iqalla lintho tsa bona tlase, ho ba ha o qalile tlase monga sehlahisoa o tla tseba hore na ha se ntse se hola o tla se hlokomela joang. Ho fapana le motho ea nkang lintho mpeng ebe ha teana le liqholotso oa nyahlatsa, empa motho ea nang le tsebo ho tloha tlase oa tsoarella le nakong ea liqholotso.

A phethela ka ho bontša

hlokoang ke motho eo u ratang ho mo thusa. A re e le BAP ba ikemiselitse ho fetola bophelo ba batho ho bo isa botleng.

Motlatsi oa moetapele oa BAP Mohlomphehi Motlatsi Maqelepo o bontšitse ha lebatooa la 'Makhoroana le se le le pele ka morero ona oa boitjaro, 'me le bone hore le thusa mabatooa a mang. A ipiletsa ho ma-BAP ho ngolisa likhoebo tsa bona, kaha eena le moetapele ba lula ba reke-loa lihlahisoa tse tsoang kantle ho naha liofising tsa



moo ba ileng ba hlokomela hore lenaneo lena lea hola, 'me le se le tsoanela ho hlaha mesebetsi, ke moo ba ileng ba le ngolisa ka molao e le koporasi Lekaleng la Khoebo. Leha ho le joalo, a supa ba ntse ba na le qholotso ea ho fumana lengolo la tumello ea ho hlaha 'me sena se etsa hore ho se be le setsi kapa lekala le ka hlahlobang lihlahisoa tsa bona.

E mong oa litho ebile e le sehoai Monghali Nasi Foso o lebohile Monghali Serobanyane 'moho le Prof. Mahao ka ho ba susumeletsa

ba sebetsang le sechaba sa habo bona kamor'a likhetho haholo ha ba hlotsoe. A bontša hore empa eena o ntse a le teng, 'me o ntse a ba thusa ka lintho tse ngata ho fetola bophelo ba bona. A bontša ha bophelo ba malapa a mangata bo fetohile ka lebaka la moralo oa boitjaro.

Mokhothaletsua oa BAP 'Makhoroana N0.20, Leloko Serobayane ebile e le Molula-Setulo oa Lenaneo la boitjaro, o supile ha lihlahisoa tse teng sebakeng seo, e le tse entsoeng ke lihoai tsa lebatooa leo le maba-



## BASOTHO FOOD TASTING FESTIVAL

DATE: 2 - 4 August 2024  
Venue: Boqate Leisure Park

**MORE DETAILS LOADING...**





**SPONSORS:**








# MOB KIDDS EDUTAINMENT

## Puzzle MOB 92-4525



### Across

1. Celibate
2. Puccini's "\_\_\_ Butterfly"
3. Moves, in real estate jargon
4. AWOL's nemeses
5. Casa rooms
6. Sound from a massage recipient
7. One who entices
8. Old Irish fort
9. Chemical abbr.
10. Getting to the point?
11. Unit of electrical conductance
12. Ex-Smashing Pumpkins guitarist James
13. Overlay material
14. "Another Day on Earth" musician
15. 1967 NHL Rookie of the Year
16. A Mother and others
17. Persona \_\_\_ grata
18. Prominence

19. Brand of nasal spray

20. Beginning for boy or girl
21. Terrif
22. Scanner of bar codes: Abbr.
23. Performs surgery on, in a way
24. Bishop's underling

30. \_\_\_ segno (from the repeat sign, in music)
31. Sustenance
32. Effusive love letter
33. Right after
34. False display
35. Words with "Que" in

- a song
36. Levy again
37. -- Plaines
38. Right-angled annex
39. Scale member

### Down

1. G.I.'s fare
4. Higher ranking
7. Shoe features
10. Part of a swap?
20. Rhine feeder
23. The, in Terrebonne
25. London airport
26. One way to order
27. Old exclamation
28. Eliot initials
29. While

### SOLUTION 92-4524



## DID YOU KNOW?




### The Eland At Maliba

*The eland, the biggest African bovid, is the slowest antelope, running at around 40 kph (25 mph). Despite its limited speed, it can jump an impressive 3 m (10 ft.) from a standstill.*

The **Common eland**, native to various African countries, including Ethiopia, Lesotho, Malawi, South Sudan, and Swaziland, inhabits national parks and reserves. In southern Africa, they prefer open plains and semi-arid areas with shrub-like bushes (NZG; 2015).

Within Ts'ehlanyane National Park, the elands are Cape Elands, a subspecies identifiable by the lack of stripes on adult individuals. Female Cape Elands have a tan coat, while males have a darker coat with a bluish-grey tinge and a rough mane. Males also develop thick fur on their foreheads and a dewlap on their throats as they mature. Their coats become greyer, and faces darken over time. Both males and females have spiral horns used for protection, fighting, and obtaining food. Female horns are generally longer with a tighter spiral, while male horns are thicker and shorter (NZG; 2015).



# TSA KEREKE

## Tikoloho ea Mazenod e apareloa ke bosholu

**Tšeliso Thakholi**

**B**osholu ba bophobane le bo tloaelehileng bo bonahala bo jele setsi, tikolohong ea Mazenod le mathoko a eona, 'me sechaba le sepolesa se lokela ho sebetsa 'moho ho bo thibela pele bo e

ke tliil'o sireletsa litokelo tsa lona ebe le lona le inkela tseo e seng tsa lona." A rialo.

A re bana ba na le litokelo tse hlano tsa mantlha, tse kenyeletsang hara tse ling ho kena sekolo, ho fumana kalafo, ho ba le moo ba lulang le ho bapala e leng tseo batsoali kapa baikarabelli ba bana ba lokelang ho li phetha. Ka lehlakoreng le leng a boela a hlokomelisa

'Molaoa o ile a fana ka thuto mabapi le thekisetano ea batho. A re thuto ka litaba tsa thekisetano ea batho e ntse e fanoa ka mehla, empa ho bonahala ho se bophethahatsi kaha ho ntse ho e-na le linyeoe tse sa eng moriting. A re bana ba tlokotsing e kholo kaha ba nonosoa linthoana-nthoana, ebe moo ba qetellang ba oetse lerabeng la thekisetano ea batho. A ipiletsa ho batsoali ho bona hore ba etsa tšalo morao ea bana ba bona ha ba amohetsoe likolong kante ho naha kapa hona ho fumana mesebetsi. A fana ka nomoro eo ba ka e letsetsang, ho fumana bonnete ba hore e fela bana ba fumane likolo kante ho naha kapa eona mesebetsi.

L/SGT Mofihli Makhotla o ile a hlokomelisa batsoali ka litaba tsa molao oa tlikefetso ka motabo. A tiisa hore molao o teng o sireletsang bana khahlanong le tlikefetso ka motabo. A hlokomelisa batsoali ho se etse lintho tse itseng tse ka bang kotsi, mahlong a bana. "Tse ling tsa lintho le li etsa nakong eo le robetseng le bana ka khopolo ea hore ba robetse empa ho se joalo. Elang hloko ho qoba ho etsa lintho tse kotsi mahlong a bana, hoba ntho eo ngoana a e boneng a sa le monyenyanane ha e lebale, o hola le eona bophelo bohle ba hae." Ke Makhotla eo.

bana hore litokelo le tsona li tsamaea le boikarabello. A hlokomelisa batsoali ho se lumelle manyalo a bana ba tlaase lilemong kaha e le tlole ea molao.

W/PC 'Maretšelisitsoe



**tsoa taolong. Ana ke mantsoe a W/PC 'Masiyabonga Senkatši nakong eo Sepolesa sa Motebo oa Maseru e ka thoko ho toropo, se neng se etetse bana le bakriste ba Parish ea Maria Mofumahali oa Lefatše, Mazenod ka la 4 Tlhakubele 2024.**

W/PC Sekatši o khalemme ka matla a maholo bana le batho ba baholo ba tikoloho ea Mazenod ho emisa hang-hang, ho inkela lintho tseo e seng tsa bona ka ntle ho litumellano tsa beng ba tsona. "Bana tlohelang ho inkela lintho tseo e seng tsa lona hoba ho etsa joalo ke bosholu. Chankana ea bana e teng ha ke batle hore ha



## 2023-2024 SELEMO B

### Sontaha sa 4 sa Karisima

Lie. 36,14-16.19-23

**Pesalema 136**

**Ba-Efese 2,4-10**

**Johannes 3,14-21**



### Khothatso

### Morena o hauhela sechaba sa hae

Bana beso Molimo ea lerato, ea mohau o na le mohau ho sechaba sa hae, 'me sena se bonahala Thutong ea Pele (2 Lietsahala 36:14-17, 19-23) moo le boneng ka moo Morena a bontšang qenehelo le mamello. Ha rate le ea mong oa bana ba hae h'a ka lahleha ka lebaka la ho se mamele ho loka ha hae. O ile a leka ho bua le sechaba sa hae ka ho romela barumoa ba hae, le ho fa sechaba monyetla oa ho furalla libe tsa sona. Empa sa se ke sa mamela Mantsoe a Morena sa qetella ho soma bapofeta ba hae. Khalefo ea Morena ea tlokoma 'me Ntlo ea Morena ea chesoa 'moho le tsohle. Ba ileng ba sala ba nkeloa kholehong Babilone.

Morena o otla sechaba e se hobane a se furaletse empa ho se bontša hore ntle le eena ha se letho. Nakong ena ea Karisima ke makhetlo a makae le hlokomelang hore bophelo ba lona ha se letho ntle le thabo le khotso tsa Kriste? Na ebe ha se hobane le lona le lebetse ka Morena le shebane le botumo, maruo, lipapali le menate eohle ea lefatše? Le nka nako e kae ho holisa meea ea lona joalokaha le bilelitsoe?

Ha le mo furalla a ke ke a etsa joalo empa o tla le khalema e le hore le hlokomela boteng ba hae bophelong ba lona. Ha le tsoha bofufung ba lona o tla ba haufi ho le fa khotso le thabo tse sa feleng. Nakong ena e thata eo lefatše le fetang tlasa liqholotso tse matla hoa hlaka hore Bakriste; Makatholike 'moho le babusi bohle ba itebalitse melao le litae-lo tsa Morena. Ba shebane le menate ea lefatše, ka hona ke boikarabello ba e mong le e mong oa lona ho bona hore bohle ba khutlela tseleng.

Molimo o le rata ha kae? Karabo e hlaha Thutong ea Bobeli (Ba-Efese 2:4-10) moo le utloang hore Morena o mohau o moholo. Nakong eo bohle ba neng ba shoale ka lebaka la ho tsamaea lefifing la sebe, o ile a fana ka bophelo ka Kriste 'me ka grasía ea hae bohle ba lumetseng ba pholositsoe. Ha le pholoso ha se ka lebaka la matla a lona empa ke ka mohau le grasía ea Morena. Le hoja bahlalefi ba tsebile ho hlalisa ntho e ka thusang ho tlosa botsofali, ba ke ke ba le thusa ka bophelo bosafaleng. Ho ba le kabelo bophelong bosafaleng le itlhokela grasía ea Morena qha.

Evangeling Kriste o bua le Nikodema ka ketsahalo e ileng ea etsahala Testamenteng ea Khale moo sechaba se ileng sa korotlela Moshe ka hore Morena o ba tlositse Egepete 'me o ba tlotitse moo ho seng lijo le metsi. Ka lebaka lena Morena o ile a otla sechaba sa hae empa ha se bontša tšoabo a laela Moshe o etsa noha ea koporo. Bohle ba lonngoeng ba ne ba talima holimo moo e neng e fanyehilo 'me ba fola.

Ntliha ena e bontša hantle bophelo le mesebetsi ea Kriste lefatšeng, hobane joalokaha noha eo e ile ea fanyehoa le Kriste o ile a thakisoa joalo sefapanong. Mehlang ea Moshe bohle ba ileng ba longoa ke noha ba ile ba shoa, ka mokhoa o tšoanang ba itumellang ho longoa ke menate ea lefatše ba tla ea mollong o sa timeng.

H'a tsoelapele Kriste o re ha tlela lefatšeng ho tla fana ka kotlo empa ho tla pholosa bohle ka eena. O tliile o tla le bontša tselo, 'nete le bophelo e le hore le tsamae khanyeng. Kriste ke eena khanya, tselo ea 'nete 'me ka ntle ho eena ha ho ea kenang 'Musong oa Morena.

Ha re keneng boitlhabong ba hore na e fela re tsamaea khanyeng ea Morena kapa re lefifing na. Mohlomong re behile leeto le leng ka kanyeng, le leng ka lefifing empa pholoho ea rona e ipapisitse le tumelo ea rona e re qosang ho sheba Kriste sefapanong. Pholoho le thabo ea rona e sa feleng e hloka hore re iphane ho Kriste ka maoto a mabeli khanyeng ea letlotlo la hae le sa feleng.

## Bahalaleli har'a Beke

- 11 Tlhakubele Constantine
- 12 Tlhakubele Maximilian
- 13 Tlhakubele Helderad
- 14 Tlhakubele Matilda
- 15 Tlhakubele Matrona
- 16 Tlhakubele Eusebia



# Bakoetlisi ba tšoareloa thupelo



## Tšeliso Thakholi

**M**okhatlo oa Lesotho oa Papali ea Taekwondo (LTA) ka kopanelo le Komiti ea Li-Olympic Lesotho (LNOC), o tšoaretse bakoetlisi ba papali ea Taekwondo thupelo ea matsatsi a mane, Setsing sa Likhoebo sa Boitumelo, Ha Tšosane, Maseru, ka la 2 ho isa la 5 Tlhakubele monongoaha, e le mohato oa ho leka ho ntlafatsa papali ena e bonahalang e ntse e qepha, le hoja e na le monyetla oa ho hola.

Morupeli thupelong ena ke Monghali Walid Gouda ea tsoang Naheng ea Egypt, 'me ke ea boemo ba lengolo la pele la papali ea Taekwondo (Taekwondo Technical Course Level 1). Thupelo e tla kamora likhula-khulano tsa nako e telele tse bileng teng kahar'a papali tsa tsekisano ea matla. Tebello ke hore kamor'a thupelo ena, bakoetlisi le libapali ba tla behella ka thoko likhohlano tse teng, ba holise le ho matlafatsa papali ena, kaha e le tsona tse ntseng li khina kholo le tsoelopele



ea papali ea Taekwondo Naheng ea Lesotho. H'a bula ka molao thupelo ena President ea LNOC, Monghali Tlali Rampooana o boletse hore e tli'o thusa Naha ea Lesotho ho hola

le ho ipabola joaloka pele papaling ea Taekwondo. A re sena naha e tla se fihlela ha feela bakoetlisi ba ka ithukhubetsa ka matla thupelong le mesebetsing eohle ea bona. A re ke ka

bona papali ea Taekwondo e tla khutlela maemong a eona a pele. "Ha se baokameli ba le bang, ho tla etsoa mosebetsi, ha lona le sa ithukhubetse ka matla, le

sa nke lintho ka mokhoa oo le tlamehang ho li nka ka teng ba tla sitoa." A rialo a bile a ipiletsa hore bohle ba ahe Taekwondo ea khotso, e le hore e tle ebe mohlala ho libapali tsa Lesotho hore na ha ho thoe khotso e tliisang ke lipapali, na ke ntho e joang.

President oa Mokhatlo oa Lesotho oa Taekwondo, Brig. Gen. Naha Kolisang o bontšitse hore thupelong ena ke moo bakoetlisi ba tlang ho hlahlleloa ka mahlale le litsebo e le hore ba tle ba be boemong ba machaba. A ipiletsa ho bakoetlisi ho kena ka matla tšebetsong ea bona mol-emong oa ho holisa papali ena. A boela a etsa boipiletso ho bakoetlisi ho tšoarana ka matsoho ho ba ntho e le 'ngoe molemong oa papali ea Taekwondo. A ba kopa ho lebala tse fetileng ba sebetse 'moho ho holisa papali ena.

Morupeli oa Naha ea Egypt, Monghali Walid Gouda o itse ho na le lipheleto tse kholo melaong e tsamaisang papali ea Taekwondo, eo bakoetlisi ba lokelang hore ba ithute eona, bakeng sa ho phamisa papali ena kahar'a naha. Ka hona, a re thupelo e tliilo ba thusa haholo ho holisa le ho matlafatsa papali ena.



# Li ipatla ho Top 4



## Tšelisothakholi

**L**ihlopha tsa Bolo ea Maoto tsa Mokahlelo oa A Division, e leng Sehenehene le Lilemela li ipatla ho ba kahare ho lihlopha tse 'ne tse ka holimo Liking e ka Boroa ea A Division, ha lipapali tsa liki li fihla pheletsong. Lihlopha ka bobeli li bapetse ka seahlolo sa 3-3 papaling e neng e bapalloa Lebaleng la Ha Mabote, Maseru, ka la 2 Tlhakubele monongoaha.

Kamor'a ho bapala ka seahlolo sa 3-3 Sehlopha sa Lilemela sona se atlehile ho kena kahar'a lihlopha tse 'ne tse ka holimo ka lipapali tse 15, sa hlola tse supileng, sa hloloa ho tse 'ne, se na le lintlha-kholo tse 25. Haele Sehenehene e maemong a botšelela ka lipapali tse 15, ea hlola tse hlano, ea lahlehela ke tse tšeletseng, 'me e na le lintlha-kholo tse 19.

## Lilemela e sia Sehenehene ka lintlha-kholo tse tšeletseng.

Mokoetlisi oa Sehlopha sa Lilemela, Monghali Molefi Mokhele o boleletse motlalehi oa Koranta hore joaloka lihlopha tse ling tse neng li batla ho ba maemong a pele, o se a inehetse kaha a se a hlokometse hore o se a sebeletsa feela lintlha-kholo tse robong, tse tlang ho mo thusa ho tsitsa kahare ho lihlopha tse 'ne tse ka holimo.

O bontšitse hore sehlopha sa habo se bapetse ho latela moralo le hoja o sa ka oa tsoeella hantle. "Bothata ba rona e ne e hlile e le ho lithaba-thibane kaha li ne li sa sebetse hantle. Re ne re boetse re fokola haholo bohareng ba lebala." A phethela ka hore bothata bo bong bo etsang hore sehlopha se se ke sa tsitsa hantle ke libapali tsena tsa U/20 tseo molao o ba tlamang ho li kenya li le tharo karolong ea pele ea papali kapa bonyane tse peli karolong ea bobeli ea papali. A re sena se etsa sehlopha se sa tsitsing hantle.

Haele Mokoetlisi oa Sehenehene, Monghali Thato Moleko o itse o bona kho-

lo kahare ho sehlopha sa habo, kaha ba se ba tseba ho hlaba lintlha, empa ba ntse ba lokela ho lokisa hore e se ke ea re ha ba qeta ho hlaba lintlha ebe le bona ba boetse ba hlojoe lintlha hape, ho fihlela ba bapala ka ho lekana. O re ke hona moo a lokelang ho ea lokisa teng haholo, hobane a sebeletsa ho ea kena kahar'a lihlopha tse

'ne tse ka holimo liking. A tiisa hore lipapali tsena tse tharo tse setseng o batla hore ha li fela a be a le kahar'a tse 'ne.

"Ho bapala ka ho lekana hona ho batlile ho re hlalisa kotsi e kholo, kaha ha re ne re hapile papali ena, re ne re hlile re kene ka kotloloho kahar'a tse 'ne joaloka Lilemela. Empa re ntse re tla ka tsena tse setseng

tse tharo." A rialo le eena a phethela ka ho supa hore libapali tsena tsa U/20 tse tharo tseo ho thoeng ba li bapalise, e hlile li fana ka mathata lihlopheng ho ba li lahlisa sehlopha moelelo le ho lieha hore se iphumane. A khothaletsa hore isao ho ke ho lokiso boemo bona, 'me libapali tsena li ke li shebeloe moo li ka bapali-soang teng.



# Secker ke mokoetlisi e mocha

**Tseliso Thakholi**

**M**okoetlisi oa mehleng oa Sehlopha sa Bolo ea Maoto sa Lijabatho, Monghali Thabile Secker, o phatlalalitsoe e le mokoetlisi e mocha oa sehlopha sa LCS 'Masheshena' ka la 4 Tlhakubele monongoa, ea tla phethela lipapali tsa selemo sa 2023/2024. Papaling ea hae ea pele o tliil'o bapala le sehlopha se li hulang nthau liking sa Lioli, mafelong ana a beke ka Sontaha.

Sena se tla kamor'a hore eo e neng e le mokoetlisi oa sehlopha sa LCS, Monghali Mpitsa Marai le motlatsi oa hae Sidwell Motheea, ba fuoe

pholomo ea nakoana, e tloaelehileng ka hore ke 'shato,' kahare ho Litsi tsa Tlhabollo ea Batšoaruo. Kamorao hore ba khutle phomolong, ba ile ba ngolla Commissioner ea LCS, eo sehlopha se ikarabellang ho eena, Monghali Mating Nkaka la lengolo leo ka lona ba bontšang ba beha meja fatše sehlopheng sa LCS.

Ho ea ka Raliphatlatso oa sehlopha sa LCS, Kofa Rantai bakoetlisi bana ba babeli ba LCS, ba ile ba boela ba nehelana ka lengolo le bontšang ba beha meja fatše bokoetlising ba sehlopha, 'me LCS ea tlameha ho batla mokoetlisi kahare le kantle ho naha ea tlang ho thusa sehlopha ho phethela lipapali tse tsa ho qetela tsa liki ea selemo sena.

A re botsamaisi ba LCS bo ile ba etsa sena bo ipapisitse le molao o tsa-

maisang bolo ea maoto, o bontšang hore sehlopha ka seng se lokela hore se be le mokoetlisi ea nang le Lengolo la A License ho tsoa ho Mokhatlo oa Bolo oa Afrika (CAF), 'me kahar'a bakopi ba neng ba entse likopo Monghali Thabile Secker o ile a khethoa e le eena mohloli, ho latela mahlale le litsebo tseo a neng a li bontšitse kopong ea hae.

A supa hore Secker o tliil'o sebetsa le Moitheri Ntobo e le motlatsi oa hae, Ralekoti Mokhahlane, Lawrence Molengane le Sam Ketsekile e le mokoetlisi oa lithabathibane. A thetha ka ho lakaletsa bakoetlisi bao ba LCS ba behang meja fatše kotleho le mahlohono moo ba tla ea hona



teng. A ba maemong a bosupa ka kopa ho lipapali tse 21, 'me se holisa hlotse tse hlano, se lahlehetsoe ke tse tšeletseng. Ka kotleng se bokeletse lintlha-kholo tse 35, se lekana le sa LDF se papali ea bolo bonahalang se sebetsa hantle haholo matsatsing ana.





# Tšepo e teng

etso bo matla ba libapali tsa habo.

Moetapele oa Lesotho Rugby Academy, Alex Ncheke o itse har'a lipapali tsohle tseo a kileng a li bapala tsa Rugby, papali ena ebile ea tse ling tse monate ka ho fetisisa, empa e le hore mona le mane libapali tsa habo li ile tsa etsa liphoso nakong ea papali. "Haele sehlopha sa heso se ne se itokisitse ka mokhoa o betere haholo papising le bekeng e fetile." O boletse joalo a bile a eketsa ka hore qholotso e kholo eo ba tobaneng le eona ke ea hore sehlopha ha se koetle 'moho, kaha ba

bang ba ikoetlisetsa Maseru ha ba bang ba le TY. A re sena se etsa hore sehlopha se se ke sa kopana hantle. A re ba tlameha ho matlafatsa sebakali se nehelanang ka libolo, kaha a sa sebetse hantle le ho lokisa maqhama a tšebetso lipakeng 'Scrum Half' le 'Fly Half'.

A qetella ka ho bontša hore ba thabetse tlhoho ena e boetseng e nang le bonus, kaha sena se tliil'o ba thusa hore ha ba ka ba bapala ka ho lekana kapa hona ho hloloa ke sehlopha seo ba tliil'o bapala le sona, e be e le hore lintlha-khoho tsa bona li se li pele haholo.



## Tšeliso Thakholi

**S**ehlopha sa Liki e Khole ea Rugby, sa NUL Spears, se ntse se e-na le tšepo ea ho hlola lipapali tsa sona tse tlang, kamor'a ho hloloa papaling ea pele e neng e bula selemo se secha ke Liqhomanane ka 44-5, ha papaling ea sona ea bobeli ebileng Lebaleng la Ha Mabote, Maseru ka la 2 Tlhakubele monongoaha e shapuo ke TY Academy e seng e bitsoa Lesotho Rugby Academy ka 42-0.

Ho ea ka Keketso Letawana eo e leng sebakali ebile e le mookameli oa sehlopha sa NUL Spears, o re papali ea bona le Lesotho Rugby Academy e bile e ntle haholo, kaha boholo ba libapali tsa habo ke batho ba ntse ba le bacha kahar'a sehlopha. Ka hona o na le tšepo e khole ea hore lipapaling tse tlang tsa liki sehlopha se tliil'o sebetse hantle, kaha ba sebetse-

na le taba ea ho hlajoa lintlha tse ngata haholo.

A tsoelapele hore ba bapetse papali e ntle haholo, papising leha ba ne ba bapala le Liqhomanane mafelong e beke e fetileng, le hoja ba sa ka ba khotsofala mona le mane ke tsela eo moletsaphala a neng a tsamaisa papali ka teng. "Ke bona phetoho e khole papaling ea kajeno, ntle le liphoso tseo re bileng le

tsona nakong ea papali. Lipapaling tse tlang joalo kaha ke se ke boletse re tliil'o bapala hantle ho feta mona." A rialo.

A re leha e le mona NUL Spears e hlotsoe lipapali tse peli tse latellanang, o tšepisa barati le batšehetsi ba sehlopha hore lipapaling tse ling tse tlang, ba tliil'o tiisa hore ho khaohle moo ho khoehlang. A re feela seo a se boneng ke boikitla-

